





32

1758 944.

ORDINIS IURIDICI

IN

ACADEMIA VITTEMBERGENSI

SENIOR

ET H. T

DECANVS

ANDREAS FLORENS

RIVINVS D

POTENTISSIMI REGIS POLON. ET PRINC

ELECT. SAXON. CONSILIARIVS AVLICVS

DIG. VET. PROFESSOR PVBLICVS ORDINARIVS

CVRIAE PROVINCIALIS CONSIST. ECCLESIAST

ET SCABINATVS VITTEMBERGENSIS

ASSESSOR

LECTORI BENEVOLO

*de auctoritate^s Sacerdotum
veteris Germaniae in iudicijs*



44.

ORDINIS IURIDICI
IN
ACADEMIA VITENBERGENSI
SENIO R
ET H T
DECANVS
ANDREAS FLORENS
RIVINVS D
POTIUS IN REBUS ROTON ET PRINC
E LOE Saxon CONSILIARIVS AVGVSTVS
DIE VET PROTECTOR IURIS ET
CRIM PROSECUTOR
ET STABULARIVS
PROFESSOR

de autoritate de consuetudine
veteris permissum in iudicio





DE
AVCTORITATE SACERDOTVM
VETERIS GERMANIAE
IN IVDICIIS



legans est GEORGII CHRISTIANI
GEBAVERI, ICI Goetting. Primarii, de
C. CORNELII TACITI *de situ, moribus et*
populis Germaniae libello, iudicium, quando in singulari
programme, ad illustrandum caput octavum et decimum
conscripto, ^{a)} ex amore huius aurei libri, inter alia scribit:
Eius lectionem homini Germano esse incundam, ICTo vero uti-

A 2

lem

a) Goetting. d. XII. Aug. cIo Io CCXXXVI.



lem et necessariam. Vnde enim iuris nostri Germanici primordia et verustissimorum iurium vestigia melius illuminari possint, quam ex hoc libro, non satis scio. Quare cum legerem Dissertationem Inauguralem CLARISSIMI CANDIDATI, FRIDERICI AVGVSTI FISCHERI, de *veritate per clericum eruenda*, varia loca ex CORNELIO nostro de *auctoritate Sacerdotum veteris Germaniae in iudiciis*, in memoriam reuocaui. Summam hanc fuisse, perspicere licet ex *Cap. XI.* vbi de comitiis; (templa enim Germani non habebant, IDEM *Cap. IX.*) ita differit: silentium per *Sacerdotes*, quibus tum et coercendi ius est, imperatur. Quin immo in iisdem Principes et *Sacerdotes* de delictis publicis belli et pacis tempore statuiebant. ^{b)} Licet namque, teste TACITO, *Cap. XII.* apud concilium accusare, et discrimen capitis intendere, dictatas vero poenas *Sacerdotes* exequantur; Praesertim CORNELIVS noster *Cap. VII.* de militantibus ait, ceterum neque animaduertere, neque vincire, neque verberare quidem, nisi *Sacerdotibus* permixtum: non quasi in poenam, nec ducis iussu, sed veluti Deo imperante, quem adesse bellantibus credunt. Et apud
Bur-

b) Iung. PHILIPP. CLYVERI *Germ. Antiqu. Lib. I. Cap. XXIV. num. 50.*



Burgundios, origine Germanos, ^{c)} Sacerdos, omnium maximus, qui Sinistus vocabatur, plus valebat, ac ipse Rex, vii ex MARCELLINO probat Illustr. MASCOVIVS. ^{d)} Verissimum utique est, quod eleganter HEINECCIUS docet in *Elem. Iur. Germ.* ^{e)} pietatis laudem vel sic fati tueri se existimant Germani, si sacerdotibus, tanquam Deorum internunciis, obsequium praestarent, eorumque iussu pro oraculis; animadversiones pro diuinitus inflictis haberent. Id quod etiam confirmat TACITVS, *Cap. X. et XLIII.* Et huc quoque postea collimant nonnullae leges *Regum Francorum, Capitularia dicta*, praesertim *Capitulare Aquisgranense Ao. 1o CCLXXXIX.* CAROLI Regis in praefat. ^{f)} Quapropter placuit nobis vestram rogare solertiam, o pastores Ecclesiarum Christi, et ductores gregis eius, et clarissima mundi luminaria, ut vigili cura et

A 3

fedula

c) Iung SCHVRFLEISCHII *Histor. veter. Regni populiq; Burgundionum Disputat. X.* ubi et locum AMMIANI MARCELLINI *Lib. XXVIII. Cap. V.* sobolem se esse Romanam Burgundii sciunt, explicat.

d) *Geschichte der Deutschen Lib. II. §. 36.* iuncto *Lib. VII. §. 8. not. 4.*

e) *Lib. I. Tit. XVII. §. 399.*

f) *In Corp. Iur. Germ. edit. GEORGISCH p. 550.*



sedula admonitione populum Dei per pasqua vitae aeternae ducere studeatis: et in *Capitul. CAROLI MAGNI et LVDOVICI PII Lib. V. CCCXV.*^{g)} illud etiam ad exemplam reducendum est, quod in ecclesiastica historia *CONSTANTINVS Imperator* Episcopis ait: Deus, inquit, constituit Vos *sacerdotes*, et potestatem Vobis dedit de nobis quoque iudicandi. Et ideo nos a vobis recte iudicamur. Vos etiam nobis a Deo dati estis Dii. Praeterea de *sacerdotum* executione criminali antiqua locus ex *ADELAR. ERICH Chr. Iuliac. Lib. I. Cap. XXI.* apud *SCHILTERVM in Exerc. ad Pand.*^{h)} legi meretur: In peinlichen Sachen ward der Ausspruch und Execution durch ihre Geislichen und derselben Diener verrichtet.

Nec igitur est, cur miremur in subsequentibus et nostris temporibus *Reuerendos diuinae mentis interpretes* in veritate eruenda in iudiciis saepius in auxilium vocari, dum auctoritas, honor et habitus eorum dictis, quae sunt quasi quidam aculei, maiorem vim ac potestatem conciliat, vt ii, qui illos audiunt, sint futurae salutis aeternae memores,

g) *Ibid. pag. 1486.*

h) *X. CAROLI IV.*



res, cogitantes iurisiurandi contemtam religionem Deum habere vltorem. Eiusmodi autem hominem, in quo, ne tunc quidem sensus pietatis et religionis deprehenditur, qui- que longius processit, quam vt possit verbis sanari, grauiter alloquitur SENECA:²⁾ tibi insanabilis animus est, et sceleribus scelera contexens. Perbibisti nequitiam et ita visceribus immiscuisti, vt nisi cum ipsis exire non possit. Et simili modo TVLLVS METTIVM apud LIVIVM³⁾ METTI FVFFETI, si ipse discere posses fidem ac foedera seruare; viuo tibi ea disciplina a me adhibita esset. Nunc quoniam tuum insanabile ingenium est, tu tuo supplicio doce humanum genus, ea sancta credere, quae a te violata sunt. Vt igitur paullo ante animum inter Fidenatem Romanamque rem ancipitem gessisti, ita iam corpus passim distrahendum dabis.

Ego vero ad id nunc agendum pergo, cuius occasione haec sum praefatus, scilicet praenobilissimus

FRIDERICVS AVGVSTVS FISCHERVS

VITEMB. SAXO

FISCI REGII STEVRALIS IN CIRCVLO ELECTORALI
PROCVRATOR ET SENATOR VITEMBERG.

qui

2) *Lib. I. de Ira Cap. XVII.*

3) *Lib. I. Cap. XXVIII.*



qui non tantum in Iustitiae templo satis diu tanquam auditor solertissimus versatus, sed iam ante aliquot annos ad eius adyta penetrauit huiusque *sacerdotibus* maximopere se approbavit, vt eum dignissimum iudicauerint, qui et eandem alios religiosa cum obseruatione docere ac laudabili aduocationis officio fungi possit, fecitque hoc haecenus felici successu; audiamus ipsum de natalibus suis totaque vitae ac studiorum laudatissimorum ratione exponentem.

Natus sum Vitembergae d. XVI. Aug. c1515CCXXVII.
Patrem habui IOANNEM FRIDERICVM FISCHERVM, cursus publici, seu postarum, vt vulgo dicitur, magistrum. Matrem nactus sum CHRISTINAM ELISABETHAM, IOANNIS GEORGII KREBSII, mercatoris huius loci, filiam. Vtrumque parentem, sati acerbitas, mature mihi abstulit. Patrem amisi anno c1515CCXXXV. matrem autem anno c1515CCXXXVII. Ex eo tempore apud auum maternum, IYSTVM AVGVSTVM FLEISCHAUERVM, huius ciuitatis consulem, educatus fui, qui omnem curam in eo posuit, vt piis doctisque praeceptoribus me erudiendum traderet. Huius quoque compos factus sum felicitatis. Litteras enim didici duce Viro Excellentissimo,



tissimo, IOANNE FRIDERICO HILLERO, qui iam inter
Professores academiae nostrae splendet, et a me condigne
laudari non potest. Deinde cum scholam huius oppidi
publicam, aliquantum frequentassem, ex gratia Regia anno
c1o Io CCXLIII. in scholam provincialem Portensem fui
receptus, in qua FREYTAGII, HENTSCHELII, GEIS-
LERI, aliorumque clarissimorum virorum dexteritatem et
benevolam erga me animum, expertus fui. Hic autem
primo loco nominandus erat, Vir Magnificus, Summe Ve-
nerabilis, IOANNES IOACHIM GOTTLÖB AM-ENDE,
Dresdensium sacrorum nunc Antistes, et Summi Senatus
Ecclesiastici Assessor, cuius egregia in me beneficia, magis
magisque in dies adaucta, grata piaque mente, in perpe-
tuum sanctissime venerabor. Redux in academiam nostram
anno c1o Io CCXLVI. Philosophiae studii sub Excellen-
tissimo HILLERO, Iurisprudentiae autem, sub Viris
Illustribus et summi nominis, LEYSERO, CRELLIO,
RIVINO, HANACCIO, CHLADENIO et KRAVSIO,
operam dedi, deinde etiam praxi iuridicae, uti vocatur,
manus admovi, cuius viam mihi monstravit Vir Excellen-
tissimus et in foro versatissimus, IOANNES GOTTLÖB



KLÜGELIVS, I. V. D. et ciuitatis nostrae Syndicus
 longe meritissimus. Anno c1o 1o CCLI. disputationem de
 libero principis in legum promulgatione arbitrio, sub
 praesidio Illust. LEYSERI, defendi, et cum anno insequenti
 c1o 1o CCLII. ab illustri ICTorum Vitembergensium Or-
 dine, ad examen pro praxi et candidatura, nec non ad
 illud, quod rigorosum vocatur, admissus fuisset, veniam
 tandem summa Principis gratia impetraui, vt causas in
 iudiciis perorare mihi liceret. Ex eo tempore in foro
 versatus sum, illud autem tempus, quod a forensibus
 negotiis mihi factum est reliquum, eo impendi, vt iuris
 praecepta illis traderem, quibus studia mea non displice-
 rent. Accessere et alii labores, anno enim c1o 1o CCLVI.
 Rex Potentissimus supra laudato D. KLÜGELIO in mu-
 nere Procuratoris Fisci Steusalis, me adiunxit, et cum eo,
 qui iam voluitur anno, locus in Senatu huius urbis vaca-
 ret, in eum assumptus et summa Principis gratia, confir-
 matus fui. Iam in eo sum occupatus, vt disputationem
 inauguralem, de veritate per clericum eruenda, pro ob-
 tinendo gradu Doctoris, publice defendam, id quod Deus
 O. M. ex voto atque feliciter procedere iubeat.

Nunc



XI

Nunc ad GRADVM DOCTORIS adspirans *Dif-*
ertationem Inauguralem de veritate per clericum eruenda
ex Gratia POTENTISSIMI POLONIARVM REGIS ET
PRINCIPIS ELECTORIS SAXONIAE NOSTRI in Audi-
torio Maiori, sine Praefide die XIII Nou. a. c. defendet.
Quem actum vt MAGNIFICVS ACADEMIAE RECTOR
ILLVSTRISSIMI COMITES PERILLVSTRES LIB. BA-
RONES PATRES CONSCRIPTI GENEROSISSIMI ATQVE
NOBILISSIMI CIVES splendidiorem reddere non dedignen-
tur, Collegii nostri nomine quam obseruantissime rogo.

Dabam Vitembergae Dom. XXV. post Trinitat.

A. O. R. c1o 1000CLVIII.



VITEMBERGAE
EX OFFICINA SCHLOMACHIANA



Widenberg, Diss., 1756-58

ULB Halle


003 608 042

3



856





32

1758 944.

ORDINIS IVRIDICI
IN
ACADEMIA VITEMBERGENSI
SENIOR
ET H. T
DECANVS
ANDREAS FLORENS
RIVINVS D
POTENTISSIMI REGIS POLON. ET PRINC
ELECT. SAXON. CONSILIARIVS AVLICVS
DIG. VET. PROFESSOR PVBLICVS ORDINARIVS
CVRIAE PROVINCIALIS CONSIST. ECCLESIAST
ET SCABINATVS VITEMBERGENSIS
ASSESSOR

LECTORI BENEVOLO

*de auctoritate^s sacerdotum
veteris Germaniae in iudicijs*

